



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Benedicti XIV. ab initio Pontificatus usque ad
Annum 1746

Luxemburgi, 1752

CXXXII. Damnatio, & prohibitio libri, cuius Titulus est; Illustrissimorum ac
Reverendissimorum Archiepiscopi Ultrajectensis & Episcopi Harlemensis
Instrumentum Appellationis ad Concilium Generale ...

[urn:nbn:de:hbz:466:1-74696](#)

1745.

terris Vicarium pertinere. Spectaculi faciliis Mundo, Angelis, & hominibus, qui Vos induitos Catholicae loricae veritatis, & galea salutis, adversus hostes, non minus occulta rabi, quam aperta blandiloquentia infidolos, strenue pugnare undique circumspiciunt, ac vestram animi fortitudinem invictamque constantiam eximiis laudibus extollunt; non sine increbili nostra laetitia ac folacio, qui tantam virtutem plurimi facimus, servatamque a Vobis Catholicae Ecclesie, Nobis Romanaque Sedi fidem singulari amore prosequimur; cuius pignus esse voluntas Apostolicam Benedictionem, quam cum uberrima celestium charismatum copia conjunctam, Vobis, Dilecti Filii, peramanter imperatur.

Dat. die 26.
Junii 1745.

Datum Romae, apud S. Mariam Majorem, sub Anulo Piscatoris die xxvi. Junii MDCCXLV. Pontificatus Nostri Anno Quinto.

*Cajetanus Amatus.**Public. eodem die, mense & anno.*

CXXXII.

Damnatio, & Prohibitio Libri, cuius titulus est; *Illustrissimorum, ac Reverendissimorum Archiepiscopi Ultrajectensis, & Episcopi Harlemensis Instrumentum Appellationis ad Concilium Generale futurum, a duobus Brevisibus a Sanctissimo alias expeditis ad Catholicos in Foederato Belgio.*

BENEDICTUS PAPA XIV.

*Ad perpetuam rei memoriam.*Exordium a
præcavendis
animarum
periculis.

ALTISSIMO Divinae providentia consilio imposito imbecillitatibus Nostræ suprema Catholicae Ecclesie procuratio, atque adeo commendata Nobis a Pastorum Principe Iesu Christo, cuius vices plane immenses gerimus, afflita pacendi universi Domini Gregis cura, jure ac merito exigit ac requirit, ut ad eundem Gregem in unitate & integritate servandum custodiendumque semper ad vigilantes, inter gravissimas Apostolici ministerii Nostræ partes eam præcipue reputemus, qua procul ejiciamus amandemusque perditos homines, ne sub inducta Pastoris larva Oves Christi venenatis fraudulentium fallaciamque doctrinarum suarum pacuispelliant ac decipient, & ne eas a Christi Ovili separantes, ad perditionis viam agant atque perducant.

Schismatisco-
rum sedicio-
fus Libellus.

S. 1. Cum itaque nomine dotorum assertorum Antifitum, quos re ipsa haud legitimè, sed nulliter electos, ac sacrilegio confecratos, & supremis Apostolica hujus Sanctæ Sedis præceptis inobedientes & contumaces, alias Nos a Catholica Ecclesie communione separavimus & sejuximus, ac separatos & sejunctos esse declaravimus, & publicè denunciavimus, in lucem prodierit quidam libellus anno MDCCXLIV. editus sine Typographi nomine, & sine loci indicatione, sed hoc dumtaxat titulo: *Illustrissimorum, ac Reverendissimorum Archiepiscopi Ultrajectensis, & Episcopi Harlemensis Instrumentum appellationis ad Concilium Generale futurum, a duobus Brevisibus, que præseverunt nomen SS. D. N. Benedicti XIV. scriptis ad universos Catholicos in Foederato Belgio &c.* Nos, licet titulus ipse præfatum libellum proscriptione dignum esse & fore, aliquis censuram Ecclesiasticarum, quibus Romani Pontifices Prædecessores Nostri hujusmodi appellationes damnarunt præscripserintque, notis, re ipsa obnoxium esse demonstrat, atque adeo haud necesse sit, ad illum damnandum ac reprobandum, animadvertere rationes atque

momenta in leodem libello ad comprobandum dictum titulum adducta, utpote fallacia, schismatica, & seditionis; nihilominus postquam accurasissimo tam Nostro, quam aliorum examini subjecimus, Apostolica demum censura perstringendum ac proscribendum duximus.

S. 2. Auditis itaque plurium in Sacra Theologia insignium Magistrorum suffragiis, de plurimorum quoque Venerabilium Fratrum Nostrorum S. R. E. Cardinalium, ad hoc specialiter deputatorum sententiis atque consilio; libellum præfatum ut continentem propositiones falsas, seditionis, scandalos, captiosas, ad schisma ac eversionem Hierarchia Ecclesiastica pellicentes, & Apostolicae Sedis prædictæ auctoritati injuriosas, & Ecclesiastica jurisdictionis eversivas, auctoritate Apostolica, tenore præsentium, damnamus & reprobamus; Ipsiisque libelli impressionem, descriptionem, lectiōnem, & ultim omnibus & singulis Christifidelibus, etiam specifica, & individua mentione & expressione dignis, sub pena excommunicationis late sententia per contrafacentes ipso facto abque alia declaratione incurrenda, a qua nemo a quoquam (præterquam a Nobis, seu Romano Pontifice pro tempore existente) nisi in mortis articulo constitutus, absolutionis beneficium valeat obtinere, omnino interficiemus. Volentes, & eadem auctoritate mandantes, ut quicumque libellum hujusmodi penes se habuerit, illum, statim atque præsentes literæ ei innoverint, locorum Ordinariis, vel hereticae pravitatis Inquisitoribus tradere atque confignare teneantur; illi vero exemplaria sibi sic tradita illico flammis abolerentur.

Damnatur,
& imprimi-
legi, ac re-
tinetur prohi-
betur, sub
censuris.

Similia scri-
pta pariter
prohibentur.

S. 3. Insuper omnia alia scripta, vel manu exarata, vel typis excusa, in quibus ejusmodi errores, aut illorum aliqui quomodolibet renovantur, vel defenduntur, seu eos in profere, quod absit, renovari aut defendi contigerit, sub eadem pena, auctoritate, & tenore præfatis proscribimus itidem, & damnamus, ipsiisque libelli impressionem, descriptionem, retentionem, & ultim, sicut præmititur, omnino prohibemus: In contrarium facientibus non obstantibus quibuscumque.

S. 4. Ut autem eadem præsentes literæ ad omnium notitiam facilius perducantur, nec quisquam illarum ignorantiam allegare possit, volumus, & auctoritate prædicta decernimus, illas ad valvæ Basilice Principis Apostolorum, & Cancellarie Apostolice, necnon Curia Generalis in Monte Citorio, & in Acié Campi Flora de Urbe per aliquem ex Cursoribus Nostris, ut moris est, publicari illarumque exempla ibidem affixa relinqui; Sic vero publicatas, omnes & singulos, quos concernunt, perinde afficer, ac si unicuique illorum personaliter notificata, & intimata fuissent: ipsarum autem literarum transumptis, seu exemplis, etiam impressis, manu alicuius Notarii publici subscriptis, & Sigillo persona in Ecclesiastica dignitate constituta munitis, eamdem prorsus fidem tam in judicio, quam extra illud ubique locorum haberi, quæ haberetur eisdem præsentibus, si exhibita forent, vel ostensa.

Datum Romae, apud Sanctam Mariam Majorem die xxxvi. Junii MDCCXLV. Pontificatus Nostri Anno Quinto.

Publicatio-
nis effectus,
& exemplo-
rum auctoritas.

Dat. die 26.
Junii 1745.

*D. Card. Passioneus.**Public. eodem die, mense & anno.*